

Nioqputissanik nalunaaqutsersuisarnermut inatsisip allanngortinnissaa pillugu Inatsisip Inatsisillu allat assigiinngitsut, kiisalu Eqqartuussisaatsimut inatsisip, Bruxelles I-mut inatsisip inatsisillu allat assigiinngitsut allanngortinnissaat pillugit Inatsisip Kalaallit Nunaannut atuutsilernissaat pillugit peqqussutinik Namminersorlutik Oqartussat akuersissuteqarnissaat pillugu Inatsisartut aalajangiussinissaannut Siunnersuut
Inuussutissarsiornermut Aatsitassanullu Naalakkersuisoq

pillugu

Inuussutissarsiornermut Aatsitassanullu Ataatsimiititaliap

siunnersuutip aappassaaneerpeqarneranut

ISUMALIUTISSIISSUTAA

Ataatsimiititaliap suliarinninnermini kingullertigut inuttarai:

Inatsisartunut ilaasortaq Henrik Fleischer, Siumut, Siulittaasoq
 Inatsisartunut ilaasortaq Sofie Geisler, Inuit Ataqatigiit, Siulittaasup tullia
 Inatsisartunut ilaasortaq Hermann Berthelsen, Siumut
 Inatsisartunut ilaasortaq Rachel Ingemann, Demokraatit
 Inatsisartunut ilaasortaq Bo Martinsen, Demokraatit
 Inatsisartunut ilaasortaq Aqqalu Jerimiassen, Atassut
 Inatsisartunut ilaasortaq Tillie Martinussen, Suleqatigiissitsisut

UKA2020-mi ulloq 20. oktober 2020 siullermeerinninnerup kingorna siunnersuut ataatsimiititaliamit misissorneqarpoq.

Siunnersuutip imarisai siunertaalu

‘Nioqputissat ilisarnaataannut inatsisip, ilusilersuineranut inatsisip, Nioqputissiamik nutaamik illersuineranut inatsisip aammalu ilisserusiat pillugit inatsisip allannguutaat pillugit inatsip (Atuutsitsineranut suleqatigiissitamik il.il. pilersitsinikkut Nioqputissiamik nutaamik illersukkanik assiliisarnermut (piratkopiering-imut) sukumiinerusumik suliniuteqarneq)’.

Akiliuteqartarnermut	aalajangersakkat	allannguutaat	Kalaallit	nunaannut
atortuulersinneqarpoq.	Nioqputissiamik	nutaamik	illersuineramik	allakkiamik
naammassisaaneranut	sullissineranut	akiliummik	katillugu	2.000 kr.-iusumik

atuutilersitsisoqarpoq. Inuussutissarsiummik ingerlatsisunut tunngaviusumik akiliutitut 2.850 kr.-eertarsimasunut kiisalu piginneqqaartuunermut allakkiap qassinik qupperneqarnera apeqqutaatillugu ilassutitut akitsuummik akiliuteqartanut sipaarut pineqarpoq.

‘Nioqqutissat ilisarnaataannut inatsisip inatsisillu assigiinngitsut allat allannguutaat pillugit inatsit (Atuutsitsineq aamma nioqqutissamik nutaamik illersukkamik assiliisarneq (piratkopiering) kiisalu sullissinermut akiliutinit isertitanik nuussisarneq pillugit suleqatigiissitamik immikkut ittumik pilersitsinikkut nioqqutissamik nutaamik illersukkamik assiliisarnermut (piratkopiering-imut) sukumiinerusumik suliniuteqarneq)’

Nioqqutissiamik nutaamik illersuiner- Nioqqutissallu ilisarnaataannut aqutsisoqarfimmi immikkut atuutsitsinermut suleqatigiissitamik pilersitsisoqarsimavoq. Atuutsitsilernermi suleqatigiissitap Kalaallit Nunaanni inuussutissarsiutinik ingerlatsisunik siunnersuisinnaaneranut tunngavissamik qulakkeerisoqarpoq. Peqatigitillugu Nioqqutissiamik nutaamik illersuiner- Nioqqutissallu ilisarnaataannut aqutsisoqarfiup akitsuutitigut isertitanik aqutsisoqarfiup ataani immikkoortuni allani akitsuutinik akileqqusiffiusuni aningaasartuutinik matussutitut nuussisinnaaneranut siunnersuut tunngavissiivoq.

‘Eqqartuussiveqarneq pillugu inatsimmik allannguut, Bruxelles I-imik inatsit inatsisillu assigiinngitsut allat (ilinniarsimanatik eqqartuussisuusartunut maleruagassanut allannguutit, eqqartuussisulersuussiffissatut isumaqatigiissutitut nunat tamalaat isumaqatigiissutaat il.il.)’

Malitsitut iluarsii- EU-mi nioqqutissat ilisarnaataat pillugit suliat il.il. eqqartuussisarnermik inatsimmi § 368, imm. 4-mut naapertuunnerannik pillugit Imarsiornermut- aamma Niuerner- eqqartuussiviup aalajangiisinnaaneramik qulakkeerisoq matumani pineqarpoq. Taamaalilluni aatsaat eqqartuussisarnermik inatsimmi tamanna pillugu piumasaqaatit naammassineqarsimatillugit Eqqartuussiviit Qullersaannut naammagittaallior- taqarsinnaavoq.

‘Nioqqutissat ilisarnaataannut inatsimmut allannguutit pillugit inatsit aamma inatsisit assigiinngitsut allat aamma ataatsimut ilisarnaasersuiner- mut inatsimmik atorunnaarsitsineq (Qinnuteqaatinik suliarinnineq, nalunaarsuinissamut akorngutit, nioqqutit ilisarnaataannik ersersitsineq, nioqqutissat ingerlateqqitassat, sullissinermut akiliutinit isertitanik nuussisarneq il.il.)’

Inatsit teknikikkut ineriartornermut naleqqussarneqarpoq. Taamaalilluni nioqqutissat ilisarnaataannik nalunaarsuiner- mi assiliartaliortaatsimik nioqqutissat ilisarnaataannik ersersitsinissaq piumasaqaataajunnaarpoq. Aammattaaq maleruagassanik EU-mi Eqqartuussivimmi ingerlatseriaatinut nioqqutissanillu ilisarnaasersuisarnermik aaqquissuussinermi isumaliutigisassanut inatsisikkut naleqqussaasoqarpoq. Inuussutissarsiutiginninnissaq siunertaralugu nioqqutissat ilisarnaataannik peqquserlulluni

ilaarsilluni nioqqutiginiakkat nunat pingajuanneersut killeqarfiup iluani
 ingerlateqqitassanngortinnissaannik piginnaatitaaffimmik pigisaqartup
 pinngitsoortitsinnaanissaa pillugu aalajangersakkamik inatsit imaqarpoq.

Siunnersuutip Inatsisartuni siullermeerneqarnera

Siullermeerinninnermi siunnersuut Inatsisartunit tamarmiusunit taperserneqarpoq.

Tusarniaaneq

Siunnersuut piffissami 2020-mi 9. januaarimiit 10. februaarimut tusarniaassutigineqarsimavoq. Tamatuma saniatigut siunnersuut piffissami tassani Namminersorlutik Oqartussat tusarniaasarnermut nittartagaanni saqqummiunneqarsimavoq. Tusarniaasimaneq oqaaseqaateqarnissamut tunngavissiiingilaq.

Ataatsimiititaliap siunnersuummik suliarinninnera

Siunnersuut Inatsisartunit taperserneqarluortoq ataatsimiititaliamit maluginiarneqarpoq. Kalaallit Nunaanni inuussutissarsiummik ingerlataqartunut malittarisassanik atuuttunik, Danmarkimi nunanilu allani piginneqqaartussaaneermik nioqqutissanillu peqquserlulluni ilaarsisarnermut illersuinnermut tunngatillugu atuuttunut nalimmassaalluni nutarteriniarneq siunnersuutikkut siunertarineqartoq ataatsimiititaliamit maluginiarneqarpoq. Aammattaaq Kalaallit nunaat EU-mut ilaasortaangimmat malittarisassanik naleqqussaasoqarsimasoq maluginiarneqarpoq.

Siunnersuutip aningaasaqarnikkut kingunissai

Namminersorlutik Oqartussanut kinguneqartussatut naatsorsuutigineqanngitsoq Naalackersuisunit ilisimatitsissutigineqarpoq. Inuussutissarsiutininik ingerlatsisuni sipaarutaanissaa naatsorsuutigineqarpoq, tassami akitsuutitut katillugit 2000 kr.-inik akiliuteqartussaaneera eqqunneqarniarmat, tamannalu aaqqissuussinermut ullumikkut atorineqartumut sanilliullugu sipaaruteqarfussaaq.


Ataatsimiititaliap inassuteqaatai

Siunnersuut akuersissutigineqassasoq ataatsimiititaliamit isumaqatigiittumit inassutigineqarpoq.

Ataatsimiitaliap taamatut oqaaseqaateqarluni isumaliutissiisummilu allassimaneratut paasinnilluni siunnersuut aappassaaniigassanngortippaa.



Henrik Fleischer
Siulittaasoq



Sofia Geisler
Siulittaasup tullia



Hermann Berthelsen



Rachel H. Ingemann



Bo Martinsen



Aqqalu Jerimiassen



Tillie Martinussen